

für grossen merklichen Nutzen schaffen / vnd dero-
wegen die jenige / so selbige wissen fruchtbarlich zu
adhibiren / jeder zeit von grossen Herrn vnd Com-
munen lieb vnd werth gehalten worden. Nun seynd
darunder die gebräuchlichste vnd nutzbarste / das
Grundlegen / abmessen vnd perspectivisch Reissen /
dieweil ohne Gebrauch derselben die Bau: Quar-
tier: Schantz vnd Büchsenmeister ihre Anschläg
nicht würcklich ins Werck setzen vnd bringen mögen.
Wann dann der liebe Gott durch die Mathematic
mir (ohne Ruhm zu melden) etlicher geheimer In-
strumenten Nutz vnd Gebrauch zu ergreifen geben /
vnd aber omne bonum sui fit communicatum,
vnd beyneben rätzlich vnd förderlich ist / daß die je-
nige / welche etwas publiciren wollen / ihnen nach
Patronen umbsehen / denen sie solches dediciren vnd
zuschreiben / darmit sie selbiges wider die Unverstän-
dige vnd Mißgünstige beschirmen vnd handhaben /
In massen es die berühmteste Authores auch für
gut angesehen / daß sie ihre Inventiones vnd Lucu-
brationes solchen Personen zugeschrieben / die nicht
allein darzu lust vnd lieb / sondern auch derselben
nicht ein geringe Wissenschaft vnd Erfahrung ge-
habt / So hab ich demnach nicht vnterlassen sollen /
noch wollen / diese newe Stücklein E. V. vnd Güns-
sten Censur gantz gehorsamlich zu subijciren vnd des-
diciren. Vnd das zwar auß folgenden Ursachen.

Dies.